

Բաղաբի Տէջ կատարում է աւերումն, կողոպուտ մ.
է շուկան, սպանում և վիրաւորում են մարդիկ. իսկ

նահանգում, բացի տեղական աւագակներէց, այդ գիշատիչներէց, որոնք կատարեալ պատուհաս են աշխատաւոր ժողովուրդի համար, սկսել են արշաւանքներ կատարել նոր նուաճուած երկրներէց նաեւ քիւրդերն՝ մեծ և լաւ զինուած խմբերով, քնասելով հայ, մասամբ և ռուս ազգաբնակութեան:

Այդ հրոսակային խմբերը յարձակուած են բազմաթիւ գիւղական շրջանների վրայ. սրբում տանում են տաւար, ոչխարի հօտեր, ձիաների իշխաններ, ներկելով իրենց ճանապարհը մարդկային արիւնով:

Անգէն ու անպատուար ժողովուրդը անգոր է պաշտպանելու իրեն՝ զինուած և կազմակերպուած ոյժերի դէմ. աւերում է դիւղացու քրտինքով երկար տարիների ընթացքում վաստակածը, լինում են և մարդկային ամեղ զոհեր:

Եթէ ժողովուրդը անգոր է դրսից արշաւող աւագակային խմբերի վերաբերմամբ, նա անողորմ է դէպի այն անձինք, որոնք մեղադրուած կամ կասկածուած են այս կամ այն յանցանքի մէջ և ընկնում են նրա ձեռքը:

Ժողովուրդը, տեսնելով, որ օրէնքը և իշխանութիւնը ենթարկուած են պարալիզէի, ուժասպառ են, որ նրանց գոյութիւնը իրականօրէն չէ արտայայտուած, որ նրանք կորցրել են իրենց ազդեցութիւնը, յուսահատուած է, և ահա թէ ինչու նա երբեմն, համբերութիւնը կորցրած, կատարում է ինքնազոլիս դատաստան և յանցանքների մէջ մեղադրուողներին ենթարկում է քարկոծման, հրապարակական մահուան:

Այս տեսակ յաճախ կրկնուող գէպերը պարզ կերպով ապացուցանում են իշխանութեան թուլութիւնը, եթէ ոչ կատարեալ բացակայութիւնը:

Անկտրելի է չը սոսկալ այս երևոյթների առաջ. ամբողջ չի կարող դատաւոր լինել և ոչ որ չը պէտք է պատժուի նրա ձեռքով:

Երբ դատաստանը կատարում է ամբողջ, խախտում է արդարութեան գաղափարը. ամբողջ դատում է կրքերի ազդեցութեան տակ, վայրկեանի տպաւորութեան ներքոյ, հեռեւապէս նա բնութիւն չէ կատարում, չէ պարզում ճշմարտութիւնը, երբ միայն հնարաւոր է ջոկել մեղաւորին անմեղից. բացի այս բացասական կողմից, ինքնազոլիս, ամբոխային դատաստանը փշացնում է ժողովուրդին և բարոյապէս, զարգացնելով նրա մէջ վրէժխնդրութիւն, բթացնելով նրա մէջ մարդկային նուրբ զգացմունքներ:

Եւ այդ տեսակ ժողովուրդը իր ապագայ սերունդներին կը տայ աւելի մեծ թուով յանցագործներ:

Ահա թէ ինչ վտանգ է սպառնում:

Մարդու կրթողը, նրա ամենամեծ դպրոցը—այն շրջանն է, այն հասարակութիւնը, որի մէջ նա ծնում և զարգանում է:

Եթէ վայրկեանի սուր հանգամանքները պահանջում են երբեմն գործադրել ամենախիստ միջոցներ, այնուամենայնիւ այդ պէտք է կատարուի նախ օրէնքի հիման վրայ և երկրորդ՝ պատշաճաւոր, օրինական իշխանութեան միջոցով:

Դրութիւնը աւելի լուրջ է, քան թէ կտրելի էր ենթադրել:

Թողնել երկիրը այս դրութեան մէջ այլևս անկտրելի է. Անհրաժեշտ է դիմել վճռական միջոցների, հակառակ դէպքում առաջ կը գան աւելի վատ և վտանգաւոր երեւոյթներ, ներքին մեծ խռովութիւններ:

Երկրի կառավարութիւնը յանձնուած է առանձին կոմիտէին, կոմիսարիատին: Երբ ամսից աւելի է, որ այդ կոմիսարիատը գերիշխանութեան մէջ է, սակայն մինչև օրս նա չի կարողացել հաստատել կարգ ու կանոն, չի կարողացել ժողովուրդի կեանքն ու կայքը պաշտպանելու համար ստեղծել տեղական և իրական իշխանութիւն, թէև մշակել է ծրագրեր:

Օր քստ օրէ վատթարացող կեանքի շնորհիւ՝ ժողովուրդը կորցնում է իր վստահութիւնը, հաւատն ու յոյսը դէպի Անդրկովկասեան Կոմիտէն, իբր կառավարութեան: Երկրում իրաւակարգ հաստատելու համար, Անդրկովկասեան Կոմիտէն մշակել է ծրագիր՝ մտցնելու գործադիր մարմիններ՝ բաղկացած ժողովուրդից ընտրուած և նրա վստահութիւնը վայելող անձերից:

Բայց հարց է ծագում, թէ արդեօք միայն դրանով խնդիրը լուծւում է, դրանով ժողովուրդը բաւարարութիւն կը ստանայ:

Այժմ էլ կան նորագոյն գործադիր մարմիններ գիւղերից սկսած մինչև նահանգական բազաբներ:

Սակայն ինչ օգուտ այդ մարմիններից, քանի որ նրանք չունին այն ոյժը, այն միջոցները, առանց որի անկտրելի է գործ կատարել:

Ամեն մի գործադիր մարմին միայն այն ժամանակ կարող է արդարացնել իր կոչումն, երբ նրա ձեռքի տակ կայ ուժալ ոյժ, որի միջոցով միայն նա կարող է պահպանել կարգը, որի միջոցով նա կարող է թոյլ չը տալ կարգի խախտումն, յանցագործութիւն, բռնութիւն, որպէս զի ժողովուրդը զգայ իրեն ապահով և կարողանայ զբաղուել իր խաղաղ աշխատանքով: Գործադիր մարմիններին հարկաւոր ուժալ ոյժը ժողովրդական միլիցիան է, որի բանակն ու սրակը պէտք է համապատասխանի ժամանակի պահանջին և նրանց վրայ դրուելիք պարտականութիւններին:

Գործադիր մարմինների ամեն մի բարի ցանկութիւնը չբանում է, քանի որ իրադարձելու համար չունին ոյժ, այն է՝ ժողովրդական միլիցիա:

Իսկ միլիցիա կազմելու համար հարկաւոր են երիտասարդ ոյժեր և նիւթական միջոցներ:

Այժմ չկայ ոչ մէկը և ոչ միւսը: Մեր գիւղերի հրիտաւարութիւնը համարեաւ ամբողջութեամբ պատերազմի դաշտումն է, մնացած ժողովուրդից էլ միլիցիա կազմելու համար կառավարութիւնը բաց չի թողնում բաւարար նիւթական միջոցներ:

Խնդիրը այնուամենայնիւ պէտք է ստանայ իր բաւարար լուծումն և դրա լուծումն պարտաւոր է յանձն առնել Անդրկովկասեան Կոմիտէն. նա այս խնդիրը պէտք է համարի իրեն համար գլուխ գործոց, նա պէտք է ամեն ջանք գործ գնի՝ տալ գաւառներին և քաղաքներին հարկաւոր քանակութեամբ և լաւ կազմակերպուած միլիցիա:

Այդ միլիցիան պէտք է կազմել մասամբ տեղական ժողովրդի միջից, նշանակելով ժամանակի թանկութեան համապատասխան ոտճիկ, մասամբ, դուրս գլխաւորապէս, պատերազմ գնացած զինուորներից:

Փաստ է, որ կառավարութիւնը այժմ ունի աւելի մեծ թուով զինուորներ քան թէ հարկաւոր է. դրանց խոշոր մասերը գտնուում են թիկունքում, ցրուած են երկրի զանազան մասերում, առանց գործի, և դրադուած են միտինգներով: Այդ զորամասերը բաղկացած են զբոսաւորապէս պահեստի զինուորներից: Անդրկովկասեան Կոմիտէն պարտաւոր է առանց յետաձգելու պիմել հետեւեալ միջոցների, առաջին՝ հարց յարուցանել ժամանակաւոր կառավարութեան առաջ, որ անմիջապէս նոր վարկ բացուի միլիցիա կազմելու համար:

Երկրորդ՝ միջամտել զինուորական բարձր իշխանութեան առաջ, որ գիւղերից տարած զինուորների մի մասը յետ ուղարկուի՝ ծառայելու իրենց գիւղական գաւառական միլիցիայում. այդ ծառայութիւնը համահաւասար է ներկայ հանգամանքներում պատերազմի դաշտի ծառայութեան:

Երրորդ՝ այժմեանից որոշել և յայտարարել միլիցիայի կազմը և պայմանները, ցուցակագրելով ցանկացողներին, որ երբ վարկը բացուի, խսկոյն հրաւիրուեն ծառայութեան:

Եթէ Անդրկովկասեան Կոմիտէն այս գործը դարձնի իր գլխաւոր զբաղմունքը և սրտ համար նա չը խնայի ոչ աշխատանք, ոչ ժամանակ և յաջող ելլի հասցնի, նա կատարած կը լինի ամենամեծ գործը: Հակառակ դէպքում, թող ներուի մեզ ասել, որ այն բոլոր ծրագրերը, որ մշակուում են պաշտտում զանազան կառավարչական ծիւղերի գործունէութիւնը կանոնաւորելու համար, կը մնան մեռած, առանց դրական հետեանքի և դրական օգտի ժողովուրդի համար:

Նախ հարկաւոր է հաստատուն և ուժեղ վարչական կարգ: Եթէ շուտափոյթ իրաւակարգ չը հաստատուի, թէ Պետրոգրադի ժամանակաւոր Կառավարութիւնը և թէ Անդրկովկասի Կոմիտէն կարող են կորցնել իրենց հեղինակութիւնը:

Այդ երեւոյթը միանգամայն ցանկալի չէ և չը պէտք է տեղի ունենայ:

Պէտք է յուսալ, որ Անդրկովկասեան Կոմիտէն ամեն ջանք գործ կը գնի արդարացնելու ժողովուրդի յոյսն և սպասելիքը՝ այս ամենակական և կենսական խնդրում:

Ս. Յարութիւնեանց

ՌՈՒԾՈՒՄ ԵՄԵՆԻ ՏԱԳՆԵՂՈՐ

Ռուսական յեղափոխութեան պիւնը սկզբից ի վեր սաւառնում էին մութ ոյժերի գիշատիչ ուրուականները: Նրանք ամեն տեղ էին՝ թիկունքում ու ռազմաճակատում և ընկերվարական դիմակի տակ թունաւորում զօրքի և քնակչութեան մտքերը:

Ընկերվարականների այդ հոսանքը, որ որոշելիք անուան տակ յայտնի է Ռուսաստանում, ազատ ասպարէզ գտնելով իր ազիտացիայի համար, կարողացաւ արգասաւոր հոգ պատրաստել և հակոյնդափ խական մթնոլորտ ստեղծել:

Հակայեղափոխական այդ շարժումը այնքան ճարպիկ և այնքան խորամանկ կերպով պատրաստուած էր, որ շատերի համար անսպասելի եղաւ վերջին արիւնալի ցոյցերը:

Գերմանիան իր լրտեսական հանձարը, իր օդակիրների զբոսաւոր լիւայլը ի սպաս դրած էր այդ շարժման, որ այնքան մեծ նշանակութիւն ունէր իրա համար:

Յեղափոխական կառավարութեան հեղինակութիւնը սկսել էր խոշորանալ երկրում. նրա ազդեցութիւնը տարածուել էր երկրի ամենախուլ անկիւններն անդամ: Այդ հեղինակութիւնը պէտք էր կոտրել, երկիրը անիշխանութեան մատնելու և քայքայելու համար:

Ռուսական զօրքերը սկսել էին յարձակման Աւստրիական ճակատում և մեծ յաջողութիւն գտել: Վերցուած էր 36,000-ի մօտ զօրքի և ահագին ռազմամթերք: Կազմալուծուած բանակը սկսում էր կազմակերպուել ու բարոյապէս բարձրանալ: Գերմանիային սպառնում էր մի օդակալի հարուած ուսական ճակատում, որ թշնամին քիչ ոյժեր ունէր և գիմադրելու նուազ միջոցներ:

Թշնամու ռազմական ոյժի գերիշխող մասը դրադուած էր արեւմտեան ճակատի վրայ, անգլո-ֆրանսական առաջխաղացումը կասեցնելու համար և խիստ դժուար պիտի լինէր այդ ոյժը շրջաւորել և փոխադրել արեւելեան ճակատը, սուսների յարձակումն զսպելու:

Միակ միջոցը, որ կարող էր ուսական հետզհետէ անոդ ոյժը կոտրել, միակ միջոցը, որ կարող էր թէ թիկունքում և թէ ճակատում յեղափոխական բանակի բարոյական տրամադրութիւնը քայքայել, — այդ լրտեսական թոյնն էր, ներքին պատակաւորութիւնը:

Ներքին հակահարուածը պատրաստուեցաւ շատ ճարպիկ կերպով և այն վայրկեանին, երբ Ռուսիայիւայի անկախութեան պատրուակով կազմու միւնիստրները հեռացան ժամանակաւոր կառավարութիւնից և առաջ եկաւ կառավարական կրիլիս, այդ վայրկեանին պայթեց հակայեղափոխական հարուածը, կազմակերպուած մեծամասնական համարուած ընկերվարական դիմակի տակ գտնուողների և գերմանական լրտեսների կողմից:

Եղան արիւնալի միջադէպեր մայրաքաղաքում. բայց բարեբախտաբար ժամանակաւոր Կառավարութիւնը շուտով խելքի եկաւ և կարողացաւ զսպել շարժումը:

Երբ մայրաքաղաքում հակայեղափոխական տարրերը դա-

սահմանում էին հայրենիքին, գերմանացիները քաջ տեղեակ էին հեղինակ այդ բոլորին, խուժեցին ուսուցողների դեմ և պատահեցին ճակատը:

Յեղափոխական շունչով բողբոջված ուսուցիչները ոգին վայրկենական շիջում և նա գլխապատառ նահանջի սկսեց, թըշնամու շատ նուազ ոյժի առջևից:

Հակադատական թոյնը վարակել էր ուսուցիչներին սիրտը, կոտորել նրանց յարձակողական ոյժը և դարձրել անգիտակից ու հալածական մի հաս...:

Թշնամին այդ կերպով հասաւ իր նպատակին, պատակեց երկրի ոյժը և վրէժն առաւ յունիսի 18-ին սկսուած ուսուցչական փառապանծ արշաւանքից:

Նա թէ ճակատում և թէ թիկունքում կարողացաւ իր սաղարանները և մեքենայութիւնները պտուղը վայելել:

Այս սարսափելի խռովութիւններից և ազդանքներից յետոյ, Սեւում էր յեղափոխական կառավարութեան ուղղել իր սխալները և վճռական ու ազդու իշխոյնների ձեռնարկել զաւանանքների ու խտրարարների դեմ:

Կարող և վճռական միջոց թէ թիկունքում և թէ ճակատում: Այն տարրերը, որոնք զաւանանում են երկրին, կառավարութեան, նրանք պէտք է օչնչանան և արմատախիլ լինեն:

Հակադատական վարակիչ թոյնը պէտք է խեղդել իր բնում և նրա տեղ ներշնչել հայրենասիրութեան և կարգապահութեան հզօր ոգին:

Առանց կարգապահութեան և հնազանդութեան՝ երկիրը չի բարձրանալ իր անկեալ վիճակից:

Յեղափոխական կառավարութիւնը իր ոյժը պիտի տարածի երկրի ամեն կողմ, ամեն շրջանի և մասի մէջ:

Կառավարութիւնը վստահ իր ժողովրդական և յեղափոխական գաւառանքի ճշմարտութեան, պէտք է մանցու հարուած ուսուցչական մէկ շարժումին, որ կը դառնայ երկրի վտանգաւոր տարրերի և մութ ոյժերի կողմից:

Միայն վճռական ոյժը կարող է ազատել անտեսական, գիւնդարական ու բարոյական կողմերից քայքայուած Ռուսաստանին:

Ռուսական այլատարր, հսկայ և յետաճանց ամբողջ տնտեսական ու «գաղափարներով» չէ այնքան, որ կը շարժուի, այլ տարերային ոյժերով, յախտուն բնազդներով. միայն այդ ուժերին հակադէմ ոյժ կարող է նրան զսպել և ցանկալի ճանապարհի վրայ դնել:

Ալ. Մանուկեան

ԳՐԱԿԱՆ ԵԿՆԵՐԿՆԵՐ*)

II

«Այժմ արդէն մանկական բոլոր ազգերը կախումն ունին եւրոպական պետութիւններից: Մի քանիսի կախումն ունենալը պաշտօնական է և բացարձակ: Եւրոպացիները նուաճել են ներքին, հպատակեցրել և անմիջական իրենց կառավարութեան տակն առել: Ուրիշները գտնուում են եւրոպական այս և այն պետութեան հովանաւորութեան տակ: օրինակ՝ Բուխարան, Եգիպտոսը, Թունիսը»...:

Այսպէս է սկսում Մանկեղ Շախթախթինսկին իր յօդուածը, որի վերնագիրն է՝ «Մանկական կենսունակութեան ստուգանք»: Եւ յիշուի, աւելացնում է նա ցաւազինօրէն—

*) Տես «Համբաւար» № 26:

«Մենք, մանկականներս, վաղուց գիտենք որ վտանգաւոր տաղանայի մէջ ենք գտնուում. որ մեր անյաջողութիւններն ու թշուառութիւնը խոշոր են, ակներև ու շօշափելի և որ անտեսանելի այդ ամենը՝ այլ ևս աննար է»:

Անգլիան, Ֆրանսան և Հոլանդիան ունին մեծ թուով մանկական հպատակներ: Ինչպէս է—հարցնում է Շախթախթինսկին—որ այդ երկիրների մէջ մանկականները քաղաքացիական որեւէ իրաւունքների տէր չեն: Այդ երկիրներում պետութեան գործերի վիճակը անօրինում են պարլամենտները: Ինչպէս է ուրեմն, որ պարլամենտների մէջ չեն թոյլ տրուում մանկական պատգամաւորների, որոնք կարողանային իրենց միլիոնաւոր հաւատակիցների զանգատները և ցանկութիւնները առաջադրել: Ինչպէս է մանկականը այդ երկիրներում զրկուել ընտրելու և ընտրուելու իրաւունքներից:

Եւ վերջապէս, կամ գոնէ մի հատ պետական մանկական պաշտօնեայ այդ երկիրներում, մի հատ գիւնդարական, մի հատ սպայ, կամ նոյն իսկ գիւնդար և ոստիկան:

Չը կայ: Եւ ինչպէս արդեօք չը կայ ինչպէս այսքան ժամանակ այդ հարցը չի նետաքթրել որեւէ մանկականի և նա չի որոնել պատճառները: *

Մինչդեռ պատճառները շատ պարզ են: Գարգ և վշտացուցիչ: Եւրոպացիները մանկական բոլոր ցեղերին համարում են անքաղաքակիրթ և զրոհ մարդ էլ անարժան քաղաքացիական այնպիսի իրաւունքների: Բոնք, նրանց կարծիքով, ըմբռնելի կարող են լինել միմիայն քաղաքակիրթ ազգերի»:

Գարգ է: Աւժիրիական արարներին, օրինակ, Ֆրանսացիք չեն տալիս որեւէ քաղաքացիական իրաւունք և ազատութիւն, մինչդեռ ամեն Ֆրանսացի այնտեղ իր իրաւունքների տէրն է այնպէս, ինչպէս Ֆրանսայում: Հնդկաստանում մանկական ազգաբնակչութիւնը նոյնպէս չունի որեւէ քաղաքացիական իրաւունք, մինչդեռ միւս բոլոր տեղական ցեղերը օգտուում են լայն իրաւունքներով և ինքնավարութեամբ այնպէս, ինչպէս անգլիացիք: Ռուսաստանում մանկականների իրաւական դրութիւնը անհամեմատ աւելի լաւ է: Այստեղ նա շատուած է բոլոր այն իրաւունքներով, ինչ որ ունին երկրի միւս ցեղերն ու ազգերը: Բայց չէ որ 3—4 ամիս առաջ, ինչ ունէին օրով, այստեղ ևս մանկական տարրը չէր վայելում քրիստոնէայ տարրի չափ իրաւունքներ և արտօնութիւններ:

Ինչպէս այս անիրաւութիւնը, ինչպէս այսքան ակներև անարգաւորութիւն սակայն, մթթէ, յիշուի, մանկական ցեղերը ընդունակ չեն քաղաքակիրթութեան և հետեւապէս ընդունակ չեն կարող լինել օգտուելու քաղաքակիրթութեան հետ անհրաժեշտօրէն կապուած քաղաքացիական իրաւունքներից և ազատութիւններից:

«Մանկականներից շատերը—ասում է Շախթախթինսկին—այդ բոլորի պատճառը համարում են ցեղակիցների միաբանութեան զգացումների թուլանալը, իրար չօգնելու և իրար թիկունք չը դառնալու յատկութիւնը: Նրա համար էլ, այնպէս համարողները, միակ գարմանն են համարում՝ մանկական ցեղերի սերտ միութիւնը: Եւ մտածութեան այդ ուղղութիւնն է, որ ծնեցրել է պանիսլամականութեան քաղաքաբար: Ուրիշներ էլ կան, որ մանկականութեան անկման պատճառը որոնում են նրա օղակական թուլութեան և կամ մանկական պետութիւնների յետադէմ կառավարութեան սխալմի մէջ: Սակայն շատ քիչ են նրանք, որոնք մտաւր դնէին մանկականութեան անկ-

ման գլխավոր, մեր յիսամյացութեան էական պատճառի, այն է՝ մեր աշխարհայեացքի յետամնացութեան վրայ»:

Աշխարհայեացքից կսկիումն ունի ազգերի կենսամակրութիւնը, նրանց ոյժը կամ թուլութիւնը, Ականջի օգ թող շինեն այս հշմարտութիւնը՝ ոչ միայն մանկեղանները, այլ և նրանք, այն բոլոր ազգերը, որոնք կուզէին ապրել և չը հալուել ցեղերի մըր-ցութեան յորձանքի մէջ:

Եւրոպացիին իր իրաւունքն է համարում անօրինելու իր հակաազգիքը և օրէնքներ դնելու իր կեանքի համար: Իրաւացի է նրա այդ մտածութիւնը: Կեանքը զարգանում է անընդատ և առաջագրում է իր նորանոր հարցերն ու պահանջները: Չի կարելի միևնոյն օրէնքներով ու հասկացողութիւններով կառավարուել 50 տարի, ինչ Ֆրանսիայի հարիւրաւոր տարիներ: Եւրոպացու կարծիքով աշխարհն նրա համար գոյութիւն ունի, որպէս զի մարդկային ցեղը զարգանայ ու կատարելագործուի գնալով: Այս ամենը այնպիսի տարրական խորհրդածութիւններ են ու տարրական ըմբռնութիւններ, որ փոքր ի շատէ հասկացող մարդն անգամ հերքման համար չի սկսի վիճել: Այս այսպէս լինելով հանգեւ՝ ժամանակակիցները—ասում է Շանթալիսիսկին— ոչ միայն չեն զարգանում և կատարելագործում, այլ նոյն իսկ ժխտում են յառաջդիմութեան միտքը: Սոցիալապէս՝ Իսլամը—անշարժութեան և դանդաղկոտութեան երկրպագուն է. («Социально исламъ—это поклонение застою и косности». Турецк. Сборник» ст. 107.): «Ջարմանալի չէ ուրեմն, որ Եւրոպացիները մահմեդականներին չեն տալիս երկրազնդի վրայ գոյութեան որևէ իրաւունք և համարում են նրանց դուրս կորցելու խոս՝ բանջարանոցի միջից» (նոյն տեղը, եր. 107):

Այս յիմաւի, «Իսլամի ուսուցմանը համեմատ, օրէնքներ դրնելու իրաւունքը մարդկանց կեանքի համար՝ ոչ թէ մարդուն իրենն է, այլ միմիայն Աստուծոյն է պատկանում: Մահէղը Աստուծոյց ստացած օրէնքներն էր որ տուաւ ժողովրդին: Կառավարիչ Սենատը, Օրէնսդիր մարմինը—ինքը—Աստուծոյն է միայն:

Այս այսպէս, մարդը իրաւունք չունի իր կեանքի համար, իր կենցաղը դեկավարող որևէ օրէնք սահմանել: Նա պարտաւոր է անշարժ և անխախտ պահել «Աստուծոյ տուած» օրէնքները:

Այդ օրէնքների մի մասը գտնւում է Ղուրանի մէջ, իսկ միւս մասը հանուած է Մահմէդի կեանքից ու խօսքերից. այլ և նրա իմաստների պատուէրներից: Բոլոր այդ օրէնքները, համեմատ օրէնքների այդ ժողովածուն է, որ կոչուել է շէրիէթ:

Իսկ թէ ինչ է «շարիաթը» և ինչպէս է եղել ու ինչպիսի հետեանքներ է թողել նա մահմեդական բոլոր ցեղերի կենցաղի ու հայեացքների վրայ—այդ մասին, Շանթալիսիսկու խօսքերով իսկ, կը պատմեմ ես եկող ակնարկով:

Վ. ՓԱՓԱՋԵԱՆ

ՉԵՐՄԵՀԸԼ ԳԵՐԸՈՒ ՀՈՅ ԳԻՐԳՆՈՒԹԵՆՆ ՎԵՐԸԿԸ

Պարսկաստանի Չարմահալ գաւառը բաղկացած է 12 հայաբնակ գիւղերից և 854 տուն բնակչութիւնից, որոնք գրեթէ բոլորն էլ ազգաւ հոգազորներ են և բնութեան ժրջան և անխոնջ մշակներ:

Չարմահալ գաւառը պատկանում է Բախտիարցի պարսիկ խաներին, որոնք միշտ կեղեքել ու հարստանալ են խեղճ ժողովրդին դորձ գնելով նորա գլխին ամեն տեսակ բռնութիւն ու կեղծբուծ: Ամբողջ տարիների ընթացքում, գիւղացիները չարաշարունակ և քրտինք են թափել, բայց ավստոս որ արդիւնքը իրենց համար չի եղել, իրենց քրտնալից աշխատանքի դառն վա-

տակը իրանք չեն կերել ու վայելիլ, որովհետեւ իրանք չեն ունեցել սեփական կալուածներ, սեփական հողեր, այլ նրանք մշտապէս չարաշարունակ են օտարի համար, ու մշակել օտարի հողերը, և իրենց հալալ վաստակը լցրել անխեղճ տէրերի գրպանը:

Մի խօսքով խեղճ շինականը մինչև օրս մի կերպ պահել, պահպանել է իր տնտեսական կացութիւնը, մի կերպ պահել ու պահպանել է իր ընտանիքը, ի հարկէ միշտ նեղ ու անախաւան ձելի վիճակում: Բայց այժմ բոլորովին քայքայուեց այդ անախաւան ձելի վիճակն եւ ու նրա համար ծնուեց մի օտար գրութիւն, բոլորովին մի ուրիշ վիճակ, աւելի վատ, աւելի վատթար բան թէ նախկինը, աւելի սև, քան անցեալը...

Այս դառը վիճակի և քայքայման պատճառը եղաւ մարախը, որը երևան եկաւ Չարմահալում անցեալ տարուայ յունիս 20-25-ին ու տարածուեց բոլոր գիւղերի դեռ կանանչ ու դեռահաս արտերի ու նորաբողոքի, ծաղկալից մարդադեմքների մէջ:

Ինչ տներ խեղճ գեղջուկը, այդ ինքն էլ չ'գէտէր, նա Մնաց տարակուսում, որովհետեւ յորենը դեռ կանանչ էր իսկ զարին՝ նոր հասնելու վրայ: Վերջապէս նա ճարահատ մնալով վերցրեց իր ժանգոտած մանդաղը և վազեց դէպի արտ, սկսեց հնձել դեռ կանանչ հացահատիկները և մի կերպ կարողացաւ 10-ից մի ըստինը ազատել:

Շուտով վրայ հասաւ ալուելը: Իծքաղղ հողագործը չառ դէս-դէն ընկնելուց յետոյ կարողացաւ մի կերպ ձեռք բերել իր աշխանացանի բաժին սերմը և ցանեց հերկած արտի մեծ մասը: Բայց ինչպէս պահէր իր ընտանիքը, ինչով կերակրէր նրան: Նա ստիպուեց անպատճառ ծախել իր երկար տարիների աշխատակից ընկերին, իր լծկան եղին, իր տարիների ընթացքում կերակրող կովին, այծին, և իր տան իրեղենների մեծ մասը, որովհետեւ ցորենը շատ թանկ էր (բնոր 12-16 թուման): Վերջապէս հասաւ նոր զարուն, բայց, նա փոխանակ արդարացնելու գիւղացու յոյսերը, ընդհակառակն հիասթափեցրեց: Դարունը կենդանութիւն տուեց մարախի անշունչ ձագերին (ջոռ) թափնուած արտերի ու դաշտերի ճեղքուածների ու արանքների մէջ: Դուրս գալուն պէս սկսեցին ունեւ դեռ կաթնուկ, բոլորովին դեռահաս հացահատիկները և խոտը:

Նորէն փչացաւ գիւղացու աշխատանքը և նա գատապարտուեց թշուառութեան:

Ծանրը ոչնչացաւ, և հիմա գաւառիս թէ ազբատ և թէ հարուստ գաւառկարող չըջում են անգործ, չ'բանց գրեթէ 3/1-ը թողել է իր տունն ու տեղը և դուրս է եկել Պարսկաստանի զանազան կողմերը հաց որոնելու: Բայց մեր է հաց մեր է գործ, նա հազիւ կարողանում է կշտացնել միայն իր փոքր... իսկ ընտանիքը, զաւակները... սովից մեռնում են, որովհետեւ հաց չկայ:

Ահա 3-4 ամիս է, որ գաւառի ամբողջ բնակչութիւնը կերակրում է խոտ ու թանով, բայց ներկայումս այդ էլ չի ճարում, այդ էլ է վերջացել: Բազմաթիւ մանուկներ, բազմաթիւ մարդիկ տառաւորից մինչև երեկոյ անդադար կանչում են «հաց, հաց...» մեռնում եմ... Ինչ անի խեղճ գիւղացութիւնը, այդ ինքն էլ չգիտէ:

Մի խօսքով Չարմահալ գաւառի ներկայ դրութիւնը շատ դառն է և անտանելի, իսկ կարիքը շատ մեծ: Դաւառը չունի ազգային հաստատութիւններ, որոնք կարողանան մատակարարել նրանց հարկուտ պէտքերը: Եթէ ուրիշ վայրերի ազգային հաստատութիւնները չը մտածեն նրանց համար և չօգնեն, գրեթէ ժողովրդի մեծ մասը սովածան պիտի լինի:

Չարմահալի հայութիւնը շուտափոյթ օգնութեան կարիք ունի:

Կ. Տէր-Մանսուրեան

ՌՈՒՍԵԼԵՅՈՑ ՀԱՄԱԳՈՒՄԸ *

II

ԸՆՏՐԱԿԱՆ ՀՐԱՆԱԳ

1) Ռուսահայոց համագումարի ընտրութիւններին չեն մասնակցում միայն դատարանի վճռով ազատութիւնից զրկուածները։
2) Որպէս զի յարմարութիւն ստեղծուի ընտրողների համար, աւելի հեշտութեամբ տալու իրանց ձայնը՝ մեծ քաղաքները (օր. Քիֆլիս, Բագու...) կտրելի է բաժանել մի քանի ընտրական շրջանակների (թաղերի)։

3) Իւրաքանչիւր շրջանի ընտրութիւնները կազմակերպելու համար՝ այդ շրջանի կենտրոններում կամ միջկուսակցական շրջանային յանձնաժողովներ։

4) Շրջանային յանձնաժողովները իրանց կողմից կազմակերպում են շրջանակային ընտրական յանձնաժողովներ, որոնք կազմակերպում և ղեկավարում են շրջանակներում (գիւղ, բաղաւթ) ամբողջ շրջանակի ընտրական գործը։

5) Ձայն տալ կարելի է պատգամաւորական թեկնածուների՝ ամբողջ շրջանի համար առաջարկուած անուանացուցակներից մէկին միայն։ Ընտրութիւնը կատարուած է գաղտնի, ընտրական տոմսի յանձնումով։

6) Ամեն մի ընտրական տոմսի վրայ պէտք է տպագրուած կամ գրուած լինի մի որ և է կուսակցութեան կամ խմբակցութեան անուն միայն։ Բոլոր տպագրուած տոմսերը, ինչ կուսակցութեան կամ խմբակցութեան էլ պատկանելիս լինին միմեծ, միայնակ և միմեծ, թղթի վրայ միեւնոյն տառերով տպագրուած։ Դրանք կը պատրաստուեն Քիֆլիսում, որտեղից և կը սրուեն շրջանները։ Ամեն մի ընտրող իր ցանկացած ընտրատոմսը անձամբ ծախած տալիս է յանձնաժողովի նախագահին, որն և ընտրողի ներկայութեամբ գցում է կնքած արկղի մէջ։ Այս պահանջներին չը համապատասխանող ընտրատոմսերը հաշուի չեն առնուում։

7) Ընտրութիւնների կանոնաւորութեան վրայ հսկում է յանձնաժողովը, որը պէտք է հետեւի, որ ընտրութեան ատեն նուաճ միայն ընտրատոմսեր տրուեն, և թոյլ չը տրուի նախընտրական պայքար, ինչպէս և որնէ ձեռք չը խանգարուի ընտրութեանց կանոնաւորութիւնը։

8) Ձայնտուութեան յաջորդ օրը, բաց նիստում, ներկայութեամբ այդտեղ գտնուող ընտրողների՝ ընտրական յանձնաժողովը հաշուում է, թէ որչափ ձայն է ստացել ամեն մի կուսակցութիւն կամ խմբակցութիւն։ Հետեւեալները զրի են առնուում արձանագրութեան մէջ, որ և ստորագրում են նախագահը և յանձնաժողովի անդամները։ Այդ արձանագրութիւնները բոլոր վայրերի յանձնաժողովները անմիջապէս ուղարկում են իրանց շրջանակային յանձնաժողովներին, որ և դարձեալ պաշտօնական նիստում կատարում է ամբողջ շրջանակի ձայնաւորութեան հաշուումը և զրի անցնում հետեւեալները ու անմիջապէս ուղարկում է շրջանակային ընտրական յանձնաժողովին։

9) Շրջաններում պատգամաւորները ընտրուած են համեմատական սկզբունքով (տես յօդուած 13)։

10) Ընտրական շրջանային յանձնաժողովները ստանալով շրջանակներից ձայնաւորութեանց հետեւեալները՝ ձեռնարկում են ընտրութեան հետեւեալ կերպով։

Իւրաքանչիւր ընտրական շրջանում ընտրուելիք բոլոր պատգամաւորների թիւը քաղաքատեղում են այն կամ, այն խմբակցութեան տրուած ձայների թուի վրայ և արտագրեալը բաժա-

նում ամբողջ շրջանում անխտիր բոլոր անուանացանկերին տրուած ձայների թուի վրայ։ Այդ ձեռք ստացուած թիւը ցոյց կը տալ, թէ ամեն մի խմբակցութեան կողմից ներկայացուած անուանացանկից քանի հոգի են ընտրուած, հաշուելով ըստ համարագրութեան կարգի, սկսած առաջին թեկնածուից։ Եթէ ամբողջ շրջանում ընտրուած պատգամաւորների թիւը պակաս լինի պահանջուած թուից, այդ պակասը կը լրացուի նաացորդներով, սկսած ամենամեծ նաացորդից։

11) Շրջանային ընտրական յանձնաժողովները կազմում են արձանագրութիւն, որի մէջ գրուած է նիստի տեղը, ժամանակը, ամբողջ շրջանում ընտրութեան մասնակցածների թիւը և եղած քողոքները։ Արձանագրութիւնը կարդացուած է բաց նիստին, ստորագրուած և հաստատուած յանձնաժողովի անդամների և քարտուղարի կողմից։

12) Ընտրութեան հետեւեալները շրջանային յանձնաժողովները 3 օրուայ ընթացքում առանձին ղեկուցագրով ուղարկում են Քիֆլիս, կենտրոնական ընտրական յանձնաժողովին։ Նոյն շրջանային յանձնաժողովները պաշտօն վկայական են տալիս ընտրուած պատգամաւորներին։ Բողոքներ եղած դէպքում ուղարկում են ազգային համագումարի գիւմրի անունով։

ԱՐԵՒՍԱԶԱՅ ՈՒՍՈՒՑՅԱԿԱՆ ՀԱՄԱԳՈՒՄԱՐ

ԱՐԽԹԱՐԻՄՆԵՐ

1) Առժամանակ կեդրոնական վարչութեան բացը գոցելու համար, համագումարը ստիպող սկսած պարտք դրաւ մասնաճիւղերու վրայ, գանձելու իրենց ապագիկ անգամաձեւերն ու մուտքի փողերը և ըստ հին կանոնագրի իրենց բաժինը վճարել անյապաղ կեդր. վարչութեան։ Այլևս դրամական ցենց չներկայացնող մասնաճիւղերը լուծուած կը համարուեն։

2) Որոշուեցաւ, որ Ա. Շրջանային ներկայացուցչական խորհուրդի հրաւերը կեդր. վարչութեան կողմէ ըլլայ, որմէ վերջ, խորհուրդի ընտրած նախագահի իրաւասութեան կը վերաբերի այդ խնդիրը։ Խորհուրդին կը մասնակցեն դրամական ցենց ներկայացնողները միայն։ Խորհուրդի պատգամաւորներու ծախսի հոգատարութիւնը թողնուեցաւ կեդր. վարչութեան։

Երկար վիճարանութեան նիւթ հղաւ Խորհուրդի իրաւասութեան խնդիրը։ Առաջարկուած քանի մը բանաձեւերէն անցաւ հետեւեալը՝ 28 ձայնով։

ա) Համագումարէն յետոյ, Շրջանային ներկայացուցչական Խորհուրդը միակ իրաւասու մարմինն է, որ քննթրելի գեր կը կատարէ կեդր. վարչութեան վրայ, որպէս զի նա գուր չեղի համագումարի դժած սահմանէն։

բ) Բոլոր այն խնդիրները, որոնք չեն նախատեսուած կանոնագրին մէջ, ներկայացուցչական խորհուրդը իրաւունք ունի վճարելու։

գ) Ներկայացուցիչները պէտք է բերեն իրենց շրջանի կարիքներու և կենսական հարցերու, ինչպէս և պորձունէութեան մասին ղեկուցումներ և առաջարկներ։

դ) Խորհուրդը կը կազմի այս տարուան նախահայիւր։

ե) Խորհուրդը կեդր. վարչութեան տարեկան գործունէութեան մասին մանրամասն ղեկուցում կը բերէ յառաջիկայ համագումարին։

զ) կեդր. վարչութիւնը ներկայացուցչական Խորհուրդին կը

* 886 Վաճառարքեր № 26

մասնակցի մէկ ձայնի իրաւունքով, իսկ վարչութեան գործերու քննութեան տառն՝ նա կը կորցնէ իր ձայնի իրաւունքը:

է) Խորհուրդը կը բնձնէ բոլոր ճիւղերու հաշիւները:

ը) Խորհուրդը եթէ պէտք ունենայ, կը թելադրէ կեդր. վարչութեան՝ հրաւիրել բացառիկ համադրումար:

Ա. Ե.

Գ Ե Ղ Ա Ր Ո Ւ Ե Ա Մ

Դու նորից իջար եմ կեանքի ճամբին,

Իմ մոլոր ճամբին, հեռու և ունդոյ,

Նորից ժպտացին աչերդ նրբին:

Նոր-նոր կարօտով տիրեցին հողույս:

Իրար դէմ նստած խօսում ենք երկար,

Անցեալի քաղցրիկ յուշերը թերթում.

Ժպտում ենք իրար, ժպտում խանդավառ,

Լուռ ականաբկներով մեր սիրտը շանթում:

Կարօտ ու ժպիտ, արցունք ու կարկաշ

Խառնում ենք իրար, թախծում անյատակ.

Սէր են գեղգեզում թփերը կանաչ,

Մերժում են հիւսում առուակ ու գետակ:

Բազու

Գ. Ղազարեան

Գ Ա Ւ Ա Ո

ՆԱԼԻՄԱՆԴ գիւղ (Ալեքս. Գ.)

Մեր և շրջակայ գիւղերում արդէն վերջացել է խոտահարքը և սկսել հացահատիկի քաղը: Այս տարի միզ մօտ բերքը միջակից ցածր է, տեղ-տեղ նոյն իսկ վատ. մասնաւոր աչ կողմից անմխիթար պատկեր են ներկայացնում Ալեքսանդրապոլի մօտիկ շրջանները:

Շիրակի մի զգալի մասը այժմեանից իսկ կանգնած է սովի ուրուականի առաջ: Անհրաժեշտ է այժմեանից իսկ ապահովել մեր շրջանը աշխրով, կամ հացահատիկով, այլապէս մի քանի ամիս ևս և գիւղացիք կը զրկուեն բոլորովին հացից և սովը կը դառնայ անխուսափելի:

Խ. Համբարեանց

Տարեգիր Կ. Հ. Բ. ԸՆԿ.

Կ. Հ. Բ. ԸՆԿ. Խորհուրդը շնորհակալութեամբ ստացել է՝

— Գորուայ ճիւղի վարչութիւնից պ. Սիմէոն Զապունեանից նուիրաբերած իւր մօր Նկատերինէի յիշատակին յօգուտ գաղթականների 50 ա.:

— պ. Գէորգ Յարութիւնեանից յօգուտ որբերի 25 ա.:

ՀԱՅԿ. ԿԵՆՏ. ԿՈՄԻՏԷ

1) Լոմպոնից պ. Ս. Յարութիւնեանի հասցեով ստացուել է

օր. Ռորինդոնի միջոցաւ հետեւալ գումարները. — 6000 ա. յօգուտ որբերի, 3000 ա. Ալեքսանդրապոլի որբանոցի օգտին և 2125 ա. յանձնելու տիկնայք Խրիմեանին և Սաֆարեանին յօգուտ վանի կանանց աշխատանքի տան:

Առաջին գումարները մուծուած են Կոմիտէի գանձարանի գործադրութիւն, իսկ երրորդը՝ 2125 ա. վաճառականական բանկի միջոցաւ փոխադրուած է ըստ պատկանելոյն:

2) Յարակի-Կոլոյցի որբանոց-հիւանդանոցի համար, ուր տեղաւորուած են բացասապէս քոստ-քոստ հիւանդներ, Կոմիտէն առանձին գրութեամբ դիմեց փախստակ, դործադիր խորհրդին խնդրելով նրա հոգատարութիւնը, յանձնել Կոմիտէին նոյն նախահաշուով, ինչ որ ստանում է Քաղաքների Միութիւնը:

3) Հայկ. Կենտ. Կոմիտէն առանձին շրջաբերականներով առաջարկել է բոլոր լիազօրներին և ճիւղերին՝ անմիջապէս հաղորդել իրենց շրջանում եղած փախստականների թուի մասին: Տեղեկութիւնները պահանջուած են գաղթ. նպաստի նախահաշիւը կազմելու համար:

Ք Ր Ո Ն Ի Կ Ո Ն

Թիֆլիսի ակումբների միութեան վարչութիւնը որոշել է ակումբներին առաջ կուրորական-կրթական բնոյթ՝ կազմակերպելով դասախօսութիւններ, համերգներ և այլն:

— Անդրկով. Առանձին Կոմիտէի կողմից Թիֆլիսի հասանգի ժողովրդական դպրոցների ուսուցիչների մանկավարժական դասընթացների համար միջոցներ չյառկացուելու պատճառով օգոստոսին դասընթացները չեն բացուի:

— Ներքին դործերի միջխտրութիւնը յայտնել է Անդրկ. Առանձին Կոմիտէին, որ մամուլի գործունէութեանը հետամտել կարող է միմիայն զատաստանական իշխանութիւնը: Մամուլի վրայ առիթանք չի դրուելու:

— Արաստովոր շոգերի պատճառով Գանձակի նահանգում, առանձնապէս Արէշի գաւառում, տիրում է կատարեալ երաշտ: Իրիզացիները այդ առթիւ հեռագրով խնդրել են Անդրկովկ. Ա. ռանձին Կոմիտէին, որ բամբակի, բրնձի արտերն ու խաղողի այգիները փրկելու համար ջուր բաց թողնեն Հալազան գետից: Այս առաջարկութիւնն իրականացնելու համար գիւղացիներն առաջարկում են իրենց ձրի աշխատանքը ջուր բերելու գործում:

— Մեզ հաղորդում են, որ Բազում կազմուել է լեքիտասարդ Գրասէրների Միութիւնը, որ պարբերաբար առիթ է դասախօսութիւններ և երեկոյթներ:

— Երևանում յուլիսի 8-ին պատահել են անկարգութիւններ, կողոպտուել են մի քանի խանութներ. ժողովուրդը սարսափի մէջ է, կարուկ միջոցների կարիք կայ:

— Վոլինի գնդի զինուորների համերգ-միաինգը, որ կայացաւ Թիֆլիսի ժողովարանում, ունեցաւ մեծ յաջողութիւն: Ազատութեան փոխառութեանը բաժանորդագրուելու անհրաժեշտութեան մասին խօսեցին՝ Կովկ. բանակի գլխաւոր հրամանատար Գրեկալսկին, Ա. Բ. Զիենկեյին և քաղաքագլուխ Ալ. Խատիսեանը և մի քանի զինուոր հոնտորներ. նոյն երեկոյեան փոխառութեանը գրուեցին 900,000 ա.:

Համաժխարհային պատերազմը

Ռուսաց արեւմտեան նսկատում յուլիսի 7-ից Գնեսակի-Գորբուզով ուղղութեամբ գերմանացիները սկսեցին յարձակուել ուսանների դէմ: Այդ յարձակումն սկսուեց այն ժամանակ, երբ

Գետրոգրադում տեղի էր ունենում հակադիպոլիտական արևելա-նախիցյոց և երբ ճակատում բուլղարները ուժեղ ադիտացիայով թուլացրել էին գործի ուղղական ուղին:

Գերմանացիք, որ սուս ուժի հետ համեմատած առելի ժը-չուորև առելի տկար ուժ էին կազմում առաջ խաղացիք ամբողջ ճակատում: Ռուս զնդերը չանսարկով սպաների յորդորներին, ինք-նակամ յետ բաշտեցին թշնամու առջևից: Զոլոչևսկու ուղղու-թեամբ յունիսի 18-ին քաջարի յարձակում գործող ռուս բանակը առանց դիմադրութեան տեղի տուեց թշնամու թոյլ ուժերի ա-ռաջ:

Թշնամու յարձակումն շարունակուեց յունիսի 9-ին, 10-ին միննոյն յաջողութեամբ: Վիլենսկու ուղղութեամբ ռուսական մի գունդ դիմադրութիւն ցոյց տուեց, բայց ստիպուեց յետ քա-շուել միւս զնդերի գաւառանութեան պատճառով:

Տարնոպոլը պաշտպանող 1-ին դուարդեան կորպուսը առանց ռեէ դիմադրութեան, կամովին յետ քաշուեց: Հաւատարիմ Ֆա-ցած Սեմենովսկի, Գեպրոսովսկի զնդերը շարունակում են կը-ռիւր Տարնոպոլից հարաւ արեւելք: Թշնամին անցաւ Սերետ գետի ձախ ափը և սկսաւ ննդել մեր զորամասերը: Սմալենսկի և Կո-լիվանսկի զնդերը յամառութեամբ դիմադրելով թշնամուն, ան-ցան հակաշարժական: Սարինայից արեւմուտք գերմանացիք պատուեցին Տրե-բուխ-Ռոմանովկա-Գեալիկովցէ մեր դիրքերի շարքը:

Դեռստրից մինչև Կարպատ մեր զօրքը շարունակում է յետ քաշուել: Յուլիս 11-ին Կարպատներում գնն. Ռազոգի և ռուսա-նական զեն. Աւերեսկու միացեալ զօրքերը առաջ շարժուեցին, զբաւելով Մերեշկի և Վոդոչկան գիւղերը և գերելով մի քանի հարիւր հոգի, 19 թնդանոթ և շատ ուղղամարտիք: Պատուում է թշնամու ամենաուժեղ դիմքը:

Ամբողջ ճակատում լարուած թնդանոթաձգութիւն է: Սպաս-ւում է յեղափոխական կառավարութեան ուժեղ միջամտութեան, կարգապահութիւնը հաստատելու համար լքուած զորամասերում:

Փրանսիան յիսկան ճակատում նմանապէս թշնամին յար-ձակ-զականի է անցել: Բրէան-Լանուա գծի վրայ գերմանացի-ների գրոշները անօգուտ անցան: Սերնի, Միլլի և Կալիֆորնայի շրջանում թշնամու յարձակումն յաջողութիւն չունեցաւ: Ֆրան-սացիք դիմադրում են մեծ կորովով:

ՏԵՂԵԿԱՏՈՒ

Ախալցխա, յուլիսի 6-ին

Կ. Հ. Բ. Ը. Կ. Ախալցխայի ճիւղի վարչութիւնը 1917 թ. յունուարից մինչև յուլիսի 1-ը ստացել է ճիւղի օգտին նուէր-ների հետեւեալ անձերից.—Գ. Արաքեանից իւր հանգուցեալ եղբոր Մարտիրոսի յիշատակին 25 ռ., Տէր-Անանիկեանից նոյն յիշատա-կին 30 ռ., Եղբ. Մ. և Ս. Նազարեթեանից իրանց հանգ. հօր՝ Կարապետ Նազարեթեանի յիշատակին 100 ռ., Աղէք. Մնդոյեա-նից՝ հանգ. Կ. Բաղդասարեանի յիշատակին 25 ռ., Ս. Աղայեանից՝ իւր հանգուցեալ բոյրերի յիշատակին 25 ռ., Եղբ. Գր. և Խ. Աղաջանեաններից՝ հանգ. Եղիազարեանի յիշատակին 25 ռ., Մ. Մատուրեանից՝ Արր. Չամանեանի պատկ. հանգ. հաւաքած— 32 ռ. 55 կ., Արս. Սարա զարեանից՝ իւր հանգ. հօր յիշատակին 55 ռ., Յ. Շիրինեանից նոյն յիշատակին 25 ռ., Յովհ. և Կար. Ղասաբաշեաններից իրանց հանգուցեալ հօրեղբոր յիշատակին— 100 ռ.: Հանգուցեալ Արտ. Իգիթխանեանի յիշատակին Թիֆլիսի ընկերներից և ծանօթներից 135 ռ., որ նուիրել են հետեւեալ-ները՝ Գր. Հէպիպեանը—15, Խ. Մէնարեանը—15, Ա. Տոնա-

կանեանից—15, Հ. Սարգսեանից—15, Ս. Շէխաշեանից—15, Յ. Ինճիկեանից—15, Ե. Օքոնեանից—5, Մ. Մէնարեանից—10, Արտ. Սիւտեանը—10, Հ. Աշեանը—15 և Վ. Սուքիասեանը— 5 ուրբիւ Վերոյիշեալ նուիրատուներին վարչութիւնս յայտնում է իւր շնորհակալութիւնը:

Վարչութեան նախագահ՝ Ս. Թէխաշեան
Քարտուղար՝ Լ. Հէպիպեան

ԿՈՉ

Հայրենակիցներ,

Անցեալ տարի էրգրումի պրաւ-ւմէն անմիջապէս յետոյ կազմուած Տրապիզոնցիներու Հայրենակցական Միութիւնը, իւր շուրջը համախմբած կողկատի ու մասնաւորապէս Պաթումի Տը-րապիզոնցիները, բուսական եռանդ ու գործունէութիւն ցոյց տու-աւ, օգնելու համար տանկական եղեռնէ ազատուած մեր դժբաղդ հայրենակիցներուն ու որբերուն:

Սակայն երկար շաւեց այդ օգնութիւնն ու եռանդը որ անբան զեղեցիկ կերպով նկատուեցաւ սկզբի օրերուն: անհա-տական ձեռնարկէց թիւեր նուագեցաւ, զրամական նուիրութիւն-թիւները գրեթէ սպառեցան ու այսօր Հայրենակցական Միու-թիւնը գրեթէ կազմալուծուած վիճակի մէջ է:

Հայրենակիցներ,

Չպէտք է խաբուել ներկայ կայուն վիճակէն. վաղուայ օրը չենք գիտեր թէ ինչ անակնկալներ պահած է մեզ համար, մէջ ընդ մէջ հազար մէկ իործութիւններէ ու տառապանքներէ յետոյ մեզ հասնող տարապիւրները ապացոյց են թէ հեռու օտար քա-ղաքներու և անապատներու մէջ գետ կան մեր սիրելիներէն ու-րոնք իրենց կեանքը գերութեան մէջ կը մաշեն, սպասելով այն օրին, երբ ննարաւորութիւն պիտի ունենան վերագաղնալու ի-րենց քանդուած օջախները... Պատրաստ լինենք, հայրենակից-ներ, ընդունելու և խնամելու մեր թշուառ ազգակիցները, չսպա-սենք վերջին ժամուն, անտարբերութիւնն ու թուլութիւնը ամեն մէկիս համար դաւաճանութիւն է Հալէպի ու Միջագետքի տա-րապիւրներուն հանդէպ:

Պաթումի Տրապ. Հայրենակ. Միութեան նորակազմ Վար-չութիւնը, այդ գործը ստանձնեց վստահ Ձեր բոլորիդ հայրենա-սիրական զգացմունքներուն, առանց Ձեր աջակցութեան ու օգ-նութեան Վարչութիւնը ոչինչ չի կարող ընել:

Վարչութիւնը սոյն կոչով կը դիմէ Ձեզ բոլորիդ, օգնեցէք ով ինչով կարող է, օգնեցէք բարոյապէս և նիւթապէս. Ձեր բե-րած նուիրութիւնները պիտի ամօքեն երեք տարիէ ի վեր թիւրքական դժոխքի մէջ տապալուող հայրենակիցներու տառա-պանքը:

Գաթումի Տրապիզոնցիներու Հայրենակցական Միութեան
ՎԱՐՉՈՒԹԻՒՆ

Իրամ. և ուրիշ ամեն կարգի թղթուցութիւններ պէտք է ուղղել Վարչութեան նախագահին՝ հետեւեալ հասցեով.

А. Есаянъ, Михайловская ул., Батумъ.

Խմբագիր՝ ՍԱՄՍՈՆ ՍԱՐԳՍԻՍԻԱՆԸ

Հրատ. Կ. Հ. Բ. ԸՆԿԵՐՈՒԹԻՒՆ

Յայտարարութիւններ

Հայկ. Կենտ. Կոմիտէի հովանաւորութեան տակ գտնուող որբանոցների համար հարկաւոր են միջնակարգ կրթութեամբ նմուտ փորձառու կառավարողներ և կառավարիչներ. Ցան-կացողները թող գիմեն Կոմիտէի գրասենեակը. Адаст-Ададская. 7.